

Wolayta - Maccaasatoo Xoossaa - Wives Scriptures

Efisoona 5:22-24 Maccaasatoo, Godaayyo haarettiyoogaadan, intte azinatuyyo haarettite. 23 Aissi giikko, Kiristtoosi qassi woosa keettaayyo huuphe gidiyoogaadan, azinaikka ba maccaaseeyyo huuphe; qassi Kiristtoosi ba huuphen, ba bollaa gidiya woosa keetaa ashshiyaagaa. 24 SHin woosa keettai Kiristtoosayyo haarettiyoogaadan, maccaasai qassi bantta azinau ubbaban haarettanau bessees.

Efisoona 5:31,33 Xoossaa maxaafai yaagees; "Hegaa gishshau, attumaagee ba aawaanne ba aayyiyo aggi bayidi, ba machcheera issippe de7ana; eti naa77aikka issi ashо gidana" yaagees. 33 Gidikkokka, qassi intte huuphiyan huuphiyan intte maccaasaa intte huuphedan siiqanau bessees; maccaasa ubbaikka bantta azinaa azinaa bonchchanau bessees.

1 Kiro Qoronttoosa 7:3 Azinai ba machcheessi bessiyaabaa ootto; qassi hegaadan, machchiyaakka ba azinaassi bessiyaabaa oottu.

1 Kiro Qoronttoosa 7:34 A qofai shaahettiis. Azina gelabeenna geela7iyaa ba ashuwaaninne ba shemppuwан geeyanau koyiyo gishshau, Godaa oosuwaabaa qoppausu. SHin azinaa gelidaara ba azinaa ufaissanau koyiyo gishshau, sa7aabaa qoppausu.

Qolasiyaasa 3:18 Maccaasatoo, ammaniya asau bessiyaagaadan, intte azinatuyyo haarettite.

1 Kiro Ximootiyoosa 2:11-15 Maccaasai ubbaban haarettidi, co77u giidi tamaaro. 12 Taani maccaasai co77u giidi de7ona gaisippe attin, attumaasaa tamaarissona woikko eta bolli aawatona giikke. 13 Aissi giikko, Addaamee kiro merettiis; Hewaana guyyeppe merettaasu. 14 Hewaana cimetteda Xoossaa higgiyaa menttaasuppe attin, Addaamee cimettabeenna. 15 SHin maccaasai ammanuwan, siiquwan, geeshshatettaaninne bantana kiphatiyoogan de7ikko, naata yeliyoogan attana.

Doomettaabaa 3:16 GODAI Xoossai hegaappe guyyiyan maccaasiyo, "Neeni hegaa aissi oottadii?" yaagidi oichchiis. Yaagin maccaasiyaa, "Tana shooshhai cimmin maas"

yaagaasu.

1 Koiro Pheexiroosa 3:1/2 Hegaadankka maccaasatoo, intte azinatuppe Xoossaa qaalau azazettenna issooti issooti de7ikkokka, intte palamettennan, eti intte yashshatettaanne intte geeshsha de7uwaa be7idi ammanana mala, etau haarettite.

Tiiu 2:1-5 SHin neeni de7uwaa demmanau giigiy timirittiya tamaarissanau bessees. 2 Cima attumaasai ammanuwan, siiquwaaninne danddayan mino gidanaadan, qassi mattottennaagaa, woppu giidaagaanne banakka naagiyaagaa gidanaadan zora. 3 Hegaadankka cima maccaasai geeshsha de7o de7iya maccaasatudan haniyaagaa, zigirennaga, woine eessassi haarettenaagaanne lo77obaa tamaarissiyaagaa gidanau bessees. 4/5 Eti Xoossaa qaalai borettenna mala, bantta keettaawatanne bantta naata siiqiyaageeta, banttanakka naagiyaageeta, geeshshata, bantta keettan oottiyaageeta, kehatanne bantta keettaawatussikka azazettiyaageeta gidana mala, yelaga maccaasaa tamaarissona.

Leemiso 12:4 Wozannaama maccaasiyaa ba keettaawau kallachcha mala; shin ba keettaawaa kaushshiya maccaasiyaa a meqettab miya ajaajje mala.

Leemiso 14:1 Aadhdhida eranchcha maccaasiyaa ba keettaa keexxausu; shin eeyyiayaa ba keettaa ba kushiyan qolausu.

Leemiso 19:13 Eeyya na7ai ba aawaa xaissees; ooshshanchcha machchiyaakka keetti ubbaton aattiyo aato mala.

Leemiso 21:9,19 Ooyettiya machcheera issi keettan de7yoogaappe he keettaa shakkuwan de7yoogee keha. 19 Oyettiyanne yiillotiya machcheera de7anaappe bazzon de7yoogee keha.

Leemiso 25:24 Ooyettiya maccaaseera issi keettan de7anaappe son shakkuwaa huuphiyan de7yoogee keha.

Leemiso 27:15,16 Walassada duuxxenna machchiyaanne irai bukin xokkidi aggenna aatoi issi mala. 16 Carkko teqqanau woikko zaite cuccumidi oiqqanau danddayettenaagaadan, o co77u oottanau danddayettena.

Leemiso 31:10-31 Wozannaama machcho ooni demmanau danidayii? Inqquwaa giyo al77o shuchchaapekk a al77ausu.

11 I keettaawai o ubbabankka ammanees; ayyo de7anau bessiyaabaappe aibinne paccenna. 12 A ba de7o laitta ubban ayyo lo77obaappe attin, iitabaa oottukku. 13 Suufiyaanne liinuwaa a koyada, ufaittaidda ba kushiyan oottausu. 14 A zal77anchchatu markkabetu mala; ba qumaa haaho biittaappe ehausu. 15 A ba so asaassi qumaa kattanaunne ba macca ashkkaratussi oosuwaa bazzanau, sa7ai biron qamma de7ishin denddausu. 16 Gadiyaa a koyada shammausu; ba kushiyan oottada demmido miishshan woiniyaa turaa tokkausu. 17 A gooba oosanchcha gidiyoogaa xalaala gidennan, minonne cincca asa. 18 A ba woriyaa demmanau minnada zal77ausu; a oottaidda qamissiyo, ba xomppiayaa eesuwan toissukku. 19 A ba hinddiriitan suqqada, ba afalaa daddausu. 20 A hiyyeesatussinne metootanchchatussi babaappe coo immausu. 21 I so asai ubbai ho77iya maayuwaa maayido gishshau, shachchai bukkiyaakko, a hirggukko. 22 Arssaa bollan hiixxiyo maayuwaa sikkausu; liinuwaappe dadettida zo7o maayuwaakka baayyo maayausu. 23 Dere cimati shiiqyo dubbushan i keettaawai bonchchettida asa. 24 Liinuwaappe maayuwaanne qabattuwaa ootta oottada, zal77anchchatussi baizzausu. 25 A minonne bonchcho asa; yiya laittatussi a mulekka hirgukku. 26 Aadhdhida eran a haasayausu; ammanttiya zoree i inxxarssaappe kiyees. 27 A ba so asaa de7uwaa injjeyanau ubbaton ooso oottaidda de7ausu; azalla hanoi i bollan beetti erenna. 28 I naati denddi eqqidi, o nashshoosona; i keettaawaikka o galatiiddi, 29 "Lo77obaa oottida daro maccaasati de7oosona; shin neeni eta ubbaappe aadhdhaasa" yaagees. 30 Mera lo77otetti allaalle kessenna; puulikka xayana; shin GODAASSI yayyiya maccaasiyaa, a galatettanau bessausu. 31 A oottidobau ubbau iyyo i kushiya zaarite; a oottido oosoi ubbai dabaaban o galatisso.